

8. بصائر في الشدائد. | | سلسلة #قبلة_الخلافة للشيخ محمد

خيري

محمد خيري

السلام عليكم ورحمة الله وبركاته والحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له واشهد ان محمدا عبده ورسوله. وبعد - [00:00:01](#)

فنسأل الله سبحانه وتعالى منزل الكتاب ومجري السحاب وهازم الاحزاب سريع الحساب ان يهزم ويلزله الارض من تحت اليهود الغاصبين واسأل الله سبحانه وتعالى ان ينصرنا عليهم اللهم احصهم عدد واقتلهم بددا - [00:00:23](#)

ولا تبقي منهم احدا اللهم انا نستودعك غزة واهلها كبارها وصغارها رجالها ونسائها شبابها وبنائته اللهم احفظهم من بين ايديهم ومن خلفهم وعن ايمانهم وعن شمائلهم ومن فوقهم اللهم احفظهم - [00:00:49](#)

من كيد الظالمين وارزقه النصر والتمكين. اللهم اربط على قلوبهم وانزل عليهم السكينة واصلح بالهم وادخلهم الجنة اللهم نجني المستضعفين من المؤمنين وكن لهم عوناً ونصيراً ونسأل الله ان يزلزل الارض من تحت اقدام اليهود - [00:01:17](#)

ويقذف الرعب في قلوبهم ومن عاونهم ونسأل الله ان يشمت شملهم ويفرق جمعهم ونسأله سبحانه وتعالى ان ينزل عليهم السكينة ويربط على قلوب المؤمنين ونسأل الله سبحانه وتعالى الا يحرمنا - [00:01:43](#)

شرف المشاركة والعون لهم وان لم نستطع باجسادنا فبقلوبنا وارواحنا وعقولنا نسأل الله ان يهدينا لما يحب ويرضاه ويهدي بنا ما زال كلامنا حول ما نستطيع ان يفعله المرء في هذه الاوقات - [00:02:07](#)

ولعل ان شاء الله في المساء نتكلم باسهاب اكثر فيما يستطيع المرء ان يقوم به من امور عملية لان كسير من الناس لا يستطيع في هذه الاحداث تلك الاوقات انه يبقى - [00:02:38](#)

مع الامور المعنوية و فقط مسل الدعاء وغيرها فهذا عمل كبير وله شأن نبيل لكن يحتاج الى نفوس صلبة ثابتة فكثير من الناس ربما لا يستطيع ان يبقى في تلك المنزلة - [00:03:02](#)

لان هذه المنزلة منزلة تحتاج الى اعداد مسبق كثير من الناس يريد ان عنده مشاعر عنده هم ويحسبه صادق ولا نزكي على الله احدا لكن هذا الهم هو لا يستطيع ان يوجهه - [00:03:25](#)

في قرارات تغير حياته اعنيه بعض الناس هكذا فعاوز يسكن الروح الذي بداخله من خلال عمل ويترجم وده شيء جميل لكن الخطر ان الشيطان ممكن يضحك عليه ويخليه ان يطلع من الحدس ده كله - [00:03:47](#)

ان اول ما يحس ان هو تصدق بشيء آآ خلاص الحمد لله نصرت القضية. ان هو نزل في الجامعة وقال بالروح بالدم نفديك يا اقصى هو حسان هو خلص كل حاجة ويمكن الامر ده حصل معي مرة - [00:04:10](#)

وانا بطنطا هندسة لما كان في يوم من الايام انتم عارفين الملاعين المغتصبين لهذه البقعة عودنا الله معهم ان لنا في كل عام مرة او مرتين جولة وجولات معهم. الى ان ايه؟ قبيل الساعة - [00:04:31](#)

حتى يقاوم المسلم اليهودي فدي معركة ممتدة لن آآ تتوقف. ودي بالمناسبة يعني من اوائل الاشياء اللي تنصر بها القضية انك تفهم كده لان في حاجة خطيرة لاحظت ان هي منتشرة في نفوس الكثير - [00:04:59](#)

والنقطة دي حساسة جدا جدا جدا. اللي هو ما فضلته ما علمت فلترة. الفترة دي وفي الساعات دي للمفهوم ده ربما نشوش عليك

الى الابد في هذه القضية. الا وهو - [00:05:18](#)

ان شاء الله انطرق له برضو في المسائل يسر الله وقدر انك تنصر القضية انك بتنصر وبتشارك لا انطلقا ومن دافع انساني ولكن من دافع ايماني عقدي النقطة دي مهمة جدا جدا - [00:05:35](#)

واحد نازل يصلي الفجر عشان يستنشق الايه؟ الكسجين الرايق اللي ما فيهوش عوادم السيارات وواحد نازل يصلي الفجر لان ده فرض من ربنا عليه النقطة دي مهمة جدا جدا. ففي مفاهيم كده تاخذ بالك منها. يقول لك عاوزين نتبرع لاختواتنا. حبيب قلبي. هو ده فرض - [00:06:00](#)

تعاليك وارضى عليك موضوع وجوب النصره مش مسألة النصره ديت مستحبة لا ينج النصره دي واجبة عليك زي ما في كده صلاة فجر وصلاة شهر بنصره مؤمن في ولاء للمؤمن - [00:06:26](#)

التقصير في التناسر ده هيكون سبب حدوس فتن سبب حدوس بلاءات لو انت قصرت فالنقطة دي مهم جدا استيعابها الله سبحانه وتعالى لما قال الا تفعلوه تكن فتنة في الارض وفساد كبير. الطبري يقول لنا الا تفعلوا ما امركم به من التعاون - [00:06:50](#)

على الدين تكن فتنة في الارض خلاص؟ ولذلك اما تيجي تسمع للعيب الكورة اللي تعرى وانت اديك عرفت هو كان متعري من زمان بس انت بقى كواحد كنت دايماً منبهر به وشايفه وهو يعني حاجة رمز - [00:07:15](#)

لما تيجي تسمع هؤلاء هتلاقي ربنا يهدي الجميع. هتلاقي انه في حضور مكسف لفكرتي الانسانية ومش عارف ايه والكلام ده كله. لا اه الامر مختلف تماما من امر مختلف تماما - [00:07:34](#)

يعني انت شايف الذي تولى كبره لما زار يعني الدولة اللاقيطة الربيبية يقول اللي حصل يوم سبعة اكتوبر ده خمستاشر ضعف اللي حصل حداشر من سبتمبر عشان تبقى انت مدرك هم بينزروا للامر ازاى - [00:07:57](#)

وده لازم تبقى تفهمه كويس قوي لان هو هو عاوز يخلي العالم من بعد كده غير ما كان قبل ذلك فالنقطة دي مهمة جدا جدا نكون مدركين انت مش بتتحرك مع القضية دي كواجب انساني - [00:08:19](#)

واجب انساني ده اه موجود وكل حاجة بس رقم تسعة. رقم عشرة. رقم مية من باب اللي هو انساني لكن لا انا لست انت بقى هتيجي تتحرك بكرة مع اوكرانيا عشان واجب انساني - [00:08:36](#)

لا لا انت لازم تكون مدرك كويس قوي ان ده واجب عقدي وايماني بامتياز القضية ديت محورية ومهمة جدا نسأل الله سبحانه وتعالى ان يسدنا واياكم في فهمها ونصيحتي لا تشغل بغيرك - [00:08:51](#)

لا تشغل بغيرك ما تشغلش اه شوف الناس نايمه يا شيخ وشوف وشوف وشوف وشوف وشوف وشوف حبيب قلبي بص على قبرك ما تشغلش بغيرك - [00:09:16](#)

غيرك تدعوه وتذكره بالله وخلص وسببه وان تصدق الله يصدق ان تصدق الله يصدق المحن والابتلاءات اللي احنا فيها ديت بتحتاج سبات وبتحتاج صبر وواعى تكون فاكر اللي انت فيه ده ده محطتك قرب منك. لا لا لا - [00:09:30](#)

كنت بقرأ آآ والمزكرات بعض الناس فيبحكي موقف حصل في افغانستان لما الامريكان الملاعين برضو ما هو امة الضلال وامة الغضب بتلاقيهم هم على طول على فكرة مع بعض - [00:09:59](#)

لكن سبحان من قدر هذه الاحداس عشان الكل ينكشف وهم كانوا منكشفين عند اهل البصيرة من زمان لكن الكثير من المسلمين كان بيقاوم ان هم لا وكل واحد لوحده النهاردة اديك انت شايف التعري عامل ازاى - [00:10:26](#)

فالمهم بيقول ايه بيقول لما المقاتلين المجاهدين المسلمين في افغانستان نزلوا في يوم من الايام ويعني زي ما يكون ضاق بهم من السبل ودخلوا مكان اشبه بقبر يعني زي بدروم يعني - [00:10:45](#)

وهم خايفين يخشوا عليهم الامريكان وعارفين عملوا معهم ايه فتحوا عليهم مجرى نهر مجرى نهر فتحوه عليهم عشان يغرقوا وبدأت الماية تنزل البدروم ده وبدأت توصل للركبة وتبدأ ايه في شباب - [00:11:05](#)

كانوا متبهدين وما بين ان هم متعورين وما بين جسمهم يعني بدين شوية فمش قادر يقوم فالمية هتغرقه فكان احد المجاهدين

ببشيلهم يشيل على كتفه كده فيقول ايه واحد منهم؟ وهو شاييل - [00:11:28](#)

بعض زملاؤه فيقول يا شباب يا شباب عرس جماعي الى الجنة عرس جماعي الى الجنة شوفتوا سبحان الله التوفيق شفتم الدنيا عاملة ازاي؟ فيقولوا عرس جماعي الى الجنة يعني بنقول كلنا داخلين الجنة خلاص كلنا بنموت بنقول لم يشك احد في آآ اللي بيحكى القصة فيقول لن يشك احد فينا انه سيبقى - [00:11:49](#)

عارفين هذا الاخ اللي كان سابت السبات العالي ده سبحان الله ارتد في جواننانامو وترك الاسلام عشان كده هكلمكم عن السبات ان شاء الله ليلا برضه واحنا بنتكلم فين ازاي نخدم القضية. اوعى تكون فاكر انك تختم القضية - [00:12:24](#)
اه كده بالدراع لا لا لا الموضوع محتاج اعداد محترم عشان خلاص احنا مقبلين يا جماعة الخير على احداث مختلفة القادم مختلف تماما. كلي يقين انه خير لكن خير فيه مخاض - [00:12:50](#)

خير فيه مخاض ماشي؟ اللي خايف انت خايف من ايه انت مرعوب مرعوب من ايه مرعوب من ايه المرعوبة ان دنيتك هتتاخذ منك ان هو انت كنت قاعد آآ كل اهدافك دنيا اللي هدفه دنيا وقاعد عمال كل شوية يبني الدنيا بتاعته ويجهز الدنيا بتاعته - [00:13:10](#)
ويزبط الدنيا بتاعته ده اللي هيبقى مرعوب زي الراجل اللي قال امعرتم الدنيا وخرطتم الاخرة؟ فانت دايمًا بتترعب ليه؟ عشان اللي انت معمره يتاخذ منك واللي انت مخربه لكن اللي معمر اخرته - [00:13:34](#)

على طول كلما سمع هبة اللهم لك الحمد طب انا مرعوب عشان زادي قليل. اتحرك لو انت صادق وزبط زاتك من دلوقتي ده جميلة قوي انك ممكن تتحرك من ده الوقت - [00:13:52](#)

احنا محتاجين ان احنا ندرك الابعاد ديت خلوني النهاردة اتكلم معكم شوفوا آآ اقول لكم على صراحة بقى وايه وازا بين بورك لهما في بيعهما شوفوا انا بتكلم اهو معكم صح؟ اه. انا والله ما اعرف انا هتكلم النهاردة في ايه - [00:14:08](#)

بس انا مورس علي باب نصح اللي انا ما اعتزلش عن الدرس ده. بالزات درس الخميس. عشان الناس مستنية التزكية. ويا ترى اتكلم على التزكية ولا اتكلم عن ايه؟ فانا قلت ان الاسبوع ده كله يكون عن ما نحن فيه. وبعد كده نحدد ايام - [00:14:27](#)

ونكلفه هو من باب آآ اشدد به ازري انا جاي. من باب ان ندرش مع بعض في اي حاجة. وربنا يكرمنا يعني وبنقول ان من الحاجات المهمة قوي اللي انت تبقى فاهم ان القضية دي عقدية وهتكلم في مملح فيها ان شاء الله بعد شوية - [00:14:48](#)

وانك تكون برضو من الحاجات المهمة قوي واتمنى الفهم ده لا ينسى يا اولي الالباب الاحداث مش عاوزين كل حدس في الامة يبجي يسحبك من امور انت كنت واقف فيها صغر - [00:15:09](#)

يعني انا كنت اعلم القرآن وعندي جيل من الشباب بعلمه القرآن اجي اعمل ايه الاحداث جت اه ارواح انا سايبه وقاعد مشغول

بالاحداث انا كام بعلم ولادي وبحفزهم ومهتمة بهم مهتمة بتعليمهم التعليم الاخروي والتعليم الدنيوي اللي ينفعهم - [00:15:26](#)
في في اخرتهم وفي دنياهم ارواح مرة واحدة سايبه كل حاجة فانتبهوا انتبهوا الزموا صغوركم. واديكم شايفين اخواتكم اهو اللي في الانفاق في الانفاق والدكتور في المستشفى في المستشفى واللي مهتم بالاكل مهتم واديكم شايفين انا كنت - [00:15:48](#)

جدا في سبت العزة ده عارفين من ضمن الحاجات اللي كنت قاعد امال يعني ايه اناوش بعض الاخوة اللي بحبه في الله عارفين يوم السبت ده ايه كنت احنا مسافرين وكده - [00:16:12](#)

احيانا تبجي تقول للاخ احنا في حلقات قرآن في خطبة جمعة في كذا سجلها الله يعزك تلاقي الاخ يسجلها وعشان تنتشر ممكن تاخذ اسبوع. ليه؟ اصل مش عارف البطارية ونسينا السلك اصل المنتج اصل - [00:16:24](#)

مش عارف ايه اصل اللوجو بيهرب مني بحطه يميني يطلع الشمال اصل مش عارف ايه انتم عارفين القصص دي من هناك سبت العزة ده كان الاعلام بتاعهم شغال شبه بس مباشر والموضوع في سانية بتاخذ كل حاجة - [00:16:40](#)

اللي انتبهت منه بقى ان كل واحد في سفرة اه كتيبة المهندسين هو في الهندسة. عشان كده يقول لك ايه سلاح الهندسة. اول حاجة ركز فيه ضرب مش عارف ايه. والثاني ضرب البرج. الابراج المراقبة. والتالت - [00:17:01](#)

عمل ايه؟ فكل واحد في مكانه ما يجيش كله يخش في في اي حدس كله يجري وراه. لا فالنقطة دي مهم جدا جدا الزموا صغوركم

طلبة العلم اللي بيطلبوا علم الله يكرمكم. مش كل واحد بقى يروح سايب كل حاجة - [00:17:16](#)

ويجري الناحية الثانية وانتم ارحمونا برضو يا جماعة. الناس اللي بتحضر دروس ترحمنا وبترحمنا من ناحية ايه آآ في سلاسل احنا ماشيين فيها سلاسل عقدية سلاسل فقهية سلاسل بنائية آآ فخلي الداعي - [00:17:37](#)

في السلاسل بتاعته اه يدنو زي ما هو موجود اللي شغال في التزكية يدنو شغال في التزكية اه بيدي يوم خميس زود بقى يوم جمعة وكلم الناس في الاحداس يعملوا ايه - [00:17:54](#)

لكن مهم جدا كل واحد في مكانه لكن النهاردة احيانا الجمهور بيكون جاي يقول لك سمعني تعليق. يا جماعة انا مش محلل استراتيجي انا مش بتاع نشرة كل يوم هتيجي تسمع مني اقول لك ايه اللي حصل. وللأسف الشديد بعض اخوانا - [00:18:06](#) بسبب الضغط عليه بيتقلب كده تتقلب القناة بتاعته بقت ايه بقى التحاليل احداس. لا الحدس ده هينتهي لكن استسماره هو ده اللي هيعدي. هو دايمًا نشوفه يا جماعة الغرب عندهم مهارة استسمار ما حدس قد لا يشارك فيما حدس - [00:18:26](#)

لكن هو بيستسمره كويس فالنهاردة هم بيستسمرو زي ما البعض استسمر كورونا واستسمر كذا. فهو فيه احداس بتستسمر. انت استسمر استسمر ده في المشروع الاستراتيجي بتاعك في بناء الامة خلاص؟ تعالوا النهاردة بقى افتح خط انتاج والتكلم النهاردة في الموضوع ده ازبط الشباب اللي بيقول لك نعمل ايه؟ قل له انت لاول حاجة تعرف دينك. تعال هاعمل - [00:18:46](#)

الدورة معك اهي اسمها اعرف دينك ما لا يسع المسلم جهله في كذا وكذا وكذا البنات اللي بيقولوا تحت العشرين نعمل ايه؟ من ضمن الحاجات اللي تتقدمي بها عجبني جدا خبر امبارح اثلج صدري ان فيه اخت - [00:19:12](#)

اخت قالت انا مش لاقية حاجة اقدمها التبرعات واقفة وكل حاجة. انا كنت من زمان نفسي في زي امهات المؤمنين. فقلت يا رب اللهم ان هذا فلبست زي امهات المؤمنين في الاحداس ده في الاحداس دي فدي تتقرب الى الله تقول له يا رب انا كنت مكسوفة من نفسي. بقى هم قاعدين يتدبوا - [00:19:27](#)

يدكوا ويحصل لهم ويحصل لهم وانا لغاية دلوقتي لسة بفكر ومش عارف اخذ قرار اللهم اني اشهدك ان انا خدت القرار ده واللي بياخذ قرار في ان ده يحفظ اخذها بركة سورة البقرة. واللي بياخذ قرار النهاردة ان فيه برنامج كان مأخره هيعمله. واللي بياخذ قرار النهاردة اللي يعرف الناس - [00:19:48](#)

بربهم ويعرف الناس بنبيهم واللي حرك اتحرك فالزموا الصغور بتاعتكم وده لن يمنع انك تشارك في غيرها خلاص عارفين اكبر دليل ايه يا جماعة اكبر دليل اللي انتم فيه قلقان اللي انتم مش ان صغركم مش بتسيبواها - [00:20:08](#)

بس بدون ما حد يسمعنا يعني ان للاسف السغر الديوي كلنا محافزين عليه. يعني وانا باكلمكم دلوقتي فيه اخت واقفة في المطبخ بتعمل السندوتشات عشان عيالها نازلين الله هم ليه مش غيبتهم عشان الاحداس؟ لا يا شيخ ايه علاقة ده بده؟ خليه يلزموا صغورهم - [00:20:28](#)

والاخت اللي رايحة الشغل لظمت صغرها فعمر الدنيا. ليه بقى في حاجات الاخرة بنرفع ايدينا مش عاوزين نرفع ايدينا الله يكرمكم كفاية لان احنا النهاردة هحتاج حضرتك في مكانك واخدة بال حضرتك؟ لكن في واحد ما بيحفزش ما بيقراش ورده ليه؟ ما مشغول بالازكار مشغول قصده بالاخبار. ايه يا حبيبي - [00:20:50](#)

احنا مش محللين احنا ادوات النصره بتاعتنا مختلفة عن ادوات النصره بتاعة اي دين تاني. واي منهج اخر واخدين بالك؟ العمق ده مهم جدا جدا الزموا صدوركم ولو لظمت صغوركم هتقدروا تخدموا القضية - [00:21:16](#)

هتقدروا تخدموا القضية واخدين بالك فالعمق ده مهم ادراكه مهم ادراكه. فكرة ان فيه واحد يفهم فقه الواقع. اكبر فهم فهم من فهم الواقع انك من الصغر بتاعك ما تسيبهوش - [00:21:36](#)

بس خلي بالك الثغر بتاعك لو انت فيه عشان اخرتك هتلاقي نفسك بتلزمه اما لو انت فيه بسبب دنيتهك لامور الدنيا انا مش فارق معي تلزمه ولا تلزموش ده انت وشأنك - [00:21:54](#)

ولا فارق معي لكن انا كواحد عارف ان انا بدرس الفقه عشان الاخرة هلزم السغر ده ليه لان خلي بالك يا جماعة الخير هو انت عاوز

تاخذ فقهه واقع وتشارك مع الناس دي؟ هب ان الدولة سمحت لك بالمشاركة والدنيا تمام - [00:22:10](#)

هتروح خلاص؟ كم سؤال في فقه الجهاد هيقلابك انت مش فاهمه يعني لو لقيت مستوطنة بشعرها هتعمل معها ايه يلا قل لي عندك حديس غض بصر عندك امر غض البصر - [00:22:32](#)

عنك ان البنات دي بتقاتل خلاص؟ بس هو في الوقت ده يا عيني كانت بتاكل ما كنش معه سلاح ولا اي حاجة كانت نايمة وانت دخلت عليها كده بلبس النوم تعمل معها ايه - [00:22:51](#)

تسيبها وتقول لها معلش يا حاجة شف بقى ده كم سؤال فقهي قدامك قد ايه استرنا خلاص والبعض بقى دول يعتبروا ملك يمين يا شيخ؟ طب دول يعتبروا كزا؟ ما انت سبت حلقة الفقه اما جينا ندي حلقة الفقه قلت لي مش وقته يا شيخ قم. فيه فقهه واقع -

[00:23:04](#)

مش ده اللي انت قلته لي فانا بقول يا جماعة الخير عادي جدا ربنا سبحانه وتعالى يصطفينا ويسددنا واياكم انك تجمع بين الاثنين زي ما انت جامع دلوقتي بين نزول الشغل وبين متابعة الاحداس والههم لدينك - [00:23:26](#)

عادي جدا زي ما انت النهاردة رايحة المدرسة وبتعلمي الاولاد المواد بتاعتهم الدنيوية وبرضو هتعملي ايه؟ كلام معهم فيما يتعلق بالقدس وفيما يتعلق بفلسطين وفيما يتعلق بكزا عادي الجمع الجمع ده مهم جدا جدا - [00:23:42](#)

لكن بكرة النهاردة انت في نفق وما فيش مية والدنيا كلها خرسانة هتصلي ازاي ومش عارف تربط القبلة تفاصيل كثيرة قوي انت لازم تكون مدركها كويس اوي طيب اه اللي حصل في الاسكندرية ومش عارف ايه هو ده يجوز ولا لا يجوز؟ هو ده مش معاهد ولا ده مش

معاهد؟ بيان الازهر اللي نزل - [00:23:59](#)

امبارح وقال لك ان المستوطنين دول دول آآ ليسوا مجرد مدنيين. هو الكلمة دي معناها ايه معناها من الناحية الفقهية سيبك من ناحية البيان ايه اللوازم بتاعتها خلاص على فكرة دي فتوى حساسة جدا وقوية جدا. اللي نزلت امبارح دي - [00:24:20](#)

حساسة جدا وقوية جدا فنصيحتي نصيحتي اه ما بقولش ننشغل عن المسلمين بامور اخرى. وفي ناس بيبقى في ناس عاملة كده للاسف. ناس بحجة تقول لك انا لازم ثغري سايب كل حاجة واقول لك ايه؟ والكتب والكلام ده كله. لا - [00:24:41](#)

العلم الذي لا يحركك في هموم المسلمين فدعك من هذا العلم فدعك من هذا العلم العلم الذي يحركك لا يحركك في هموم المسلمين ونصرة هذا الدين فدعك من هذا العلم - [00:25:03](#)

ده مش علم ده واخدين بالكم؟ فاتمنى نكون مستوعبين جدا جدا هذه هذه الامور. ليه؟ عشان لا تشارك في اشياء في يوم من الايام تكون فيها حاجة غلط اختم بقى المقدمة دي طالما بقى سرحنا كده ومشينا شوية من العرض - [00:25:20](#)

بصوا يا جماعة الخير هناك امور رقم واحد عافاك الله منها فلا تنشغل بها رقم اثنين ما حدش طالب منك رأيك فيها وما حدش منتظر منك رأيك. على سبيل المسال - [00:25:40](#)

الامور المتعلقة بالميدان الامور المتعلقة بالميدان في الحرب المقاومة اللي عملوه ده للاخوة المسلمين المجاهدين الموقف اللي عملوه ده كان صح ولا غلط اه الفلسطينيين لما خدوا القرار ده على الارض كان صح ولا غلط. رقم واحد الحكم عن شيه فرع عن تصوره -

[00:25:57](#)

انت في تقريبا الف معلومة غايبة عنك. ما تعرفش تفاصيلها ولا تعرف ايه اللي راح وايه اللي حصل فمش هتتعرف تاخذ قرار ابداء ولا تتناقش فيه. سم ما حدش مستني منك رد - [00:26:25](#)

ولا حد طالب منك رأيك فالنقطة دي حساسة جدا جدا لا سلبا ولا ايجابا تدخل في المشهد ده يعني اللي هم عملوه صح علشان احكم عليه من جهة شرعية محتاجة يكون معي معلومات - [00:26:41](#)

والمعلومات ديت عندي ناقصة فما اقدرش اقول. لانك لو قلت صح وفي حاجات غلط هتتحمل تبعثها ولو قلت غلط وهم كانوا صح هتتحمل تبعثها. فانت ربنا عافاك من النقطة ديت. يا جماعة الخير زمان زمان - [00:27:02](#)

كانوا اما يقولوا ان فلان هيبقى قاضي يحكم بين اثنين كانوا بيهربوا من انه يكون قاضي واخدين بالكم؟ بيهرب من ان يكون قاضي

يقول لك لا يا عم انا ما ما اتحملش المشكلة دي. انت بقى ليه مدخل نفسك قاضي بتحكم عن امور - [00:27:20](#)

اه بين اه طوائف شتى من المسلمين والكلام ده كله. لأ فالامور الدخول في التفاصيل بتاعة الميدان مش بتاعتك دي بتاعة العلماء

الكبار دي بتاعة العلماء الكبار بتعود المنطقة دي - [00:27:40](#)

لتعود المنطقة دي. عشان كده في حد من الشباب سأل حد من العلماء الكبار يقول له هو اللي حصل ده من آ المقاومة ده كان صح

الموقف ده ولا كان غلط - [00:28:01](#)

قال له يا حبيبي لا يوجد احد على وجه الارض خارج الميدان ينفع يقول دول علماء البلد في المكان ده هم اللي يحسبوا لان ديت

وازنة مصالح ومفاسد وعلى حسب المعطيات اللي عندهم خدوا القرار - [00:28:14](#)

واخدين بالكم؟ النقطة دي مهمة جدا لان في الفتن يا جماعة الفتن لها ريحة ما حدش يبشمها الا اللي في مكانها يعني انا دلوقتي

واحد ساكن في القاهرة واحد ساكن في المنصورة واحد ساكن في كذا. في ريحة في اوضتك انا مش شاممها - [00:28:32](#)

حتى لو انا شايفك بس مباشر فيه ريحة في المكان انا ما اعرفهاش واخدين بالكم؟ ففي في مشهد انت بتشوف بتسمع قصة تقول

لبنت لازم تتطلقي واخت تانية تقول لها اياكي تطلقي رغم - [00:28:49](#)

ظاهرا اللاتين زي بعض واخدين بالكم فرجاء رجاء لا تدخل نفسك في فتاوى وفي تفاصيل انت مش بتاعتك طيب ايه اللي انشغل به

نصرة اخواتك لاسرة اخواتك ازاي انصرهم؟ ازاي آ آكون آ غير مخاذل لهذه القضية؟ ازاي اكون مستشعر ان - [00:29:04](#)

المؤمنين بعضهم اولياء بعض هي ديت اللي تكون ايه؟ منشغل جدا بها اتفقنا فاسأل الله سبحانه وتعالى ان يوفقنا واياكم لكل خير.

انا عارف ان الكلام ده بعضنا مش هيقبله - [00:29:32](#)

وانا متفهم مش زعلان ان البعض ممكن يختلف معي انا مش زعلان ولا متضايق ولا اي حاجة خاصة ان احنا في زرف يعني اه في

ناس زعلانة وناس مهمومة والكلام ده كله. بس انا نصيحتي له - [00:29:46](#)

للكل يعني ان اي هم لا تجعله يترجم لسلوك لا يسرك في قبرك ان سئلت الا تجد جوابا واخدين بالكم فاسأل الله سبحانه وتعالى ان

يسدنا واياكم من الحاجات المهمة في الاحداس اللي احنا شايفينها ديت عشان نفهم المشهد يا جماعة اللي بيحصل لاخوانا ويخفف

علينا - [00:30:01](#)

الا وهو ان في حقائق كبرى ان غابت عننا هنخسر حاجات كتيرة قوي. اول حقيقة ان الدنيا متاع قليل حقير ابن الدنيا متاع قليل

حقير لا تساوي عند الله شيئا. ولو كانت تعدل عند الله جناح بعوضة ما سقى كافرا منها شربة ماء - [00:30:29](#)

فمن حقارة الدنيا بالنسبة للاخرة ان نعيمها مهما كثر يتلاشى امام ادنى نعيم الجنة. وادنى ادنى عذاب في الاخرة وان يؤسها مهما

اشتد ينسب امام ادنى نعيم في الجنة شوفتوا اللي انتم بتشوفوه ده يقول لك اربعة واربعين واحد من عيلتي فقدتهم. ربنا يصبره

ويربط على قلوبهم - [00:31:02](#)

ومن رحمة ربك البك ان هؤلاء سبوك الى الجنة لكن مهما كان اللام ده لازم تشوف ازاي تشوف الاتي ان هؤلاء يؤتى بانعم اهل الدنيا

من اهل النار يوم القيامة - [00:31:32](#)

ويصغ في النار صبغ ثم يقال يا ابن ادم هل رأيت خيرا قط؟ هل مر بك نعيم قط؟ فيقول لا والله يا رب ويؤتى باشد الناس بؤسا في

الدنيا من اهل الجنة. يصغ في النار - [00:31:51](#)

بالجنة. فيقال له يا ابن ادم هل رأيت بؤسا قط؟ هيتقال لاهل غزة. هل رأيت بؤسا قط هل مر بكم شدة قط؟ فيقولون لا والله يا رب

ما مر بي بؤس قط ولا رأيت شدة قط - [00:32:08](#)

اللي دايم يسألني وانا بدي الدرس يا شيخ نعمل ايه والنساء عليهم ايه؟ هو واحد مش معي وواحد مش معنا خالص هو بيسمع حاجة

تانية خالص آ انا اعدم ولا يجاوب على السؤال بتاعه وهو مصمم هو عاوز اجابة معينة - [00:32:29](#)

ودي يا جماعة من الحاجات الوحشة اللي لازم تتخلصوا منها الفترة ديت ما تخشش لقاء ولا تدخل تحضر خطبة جمعة مستني

الخطيب يقول لك اللي انت عاوزه بس انت جاي كده وعمايز تعرفه تقول كده هو الراجل ده بيقول دين صح ولا لأ؟ على حسب هيقول

لي اللي انا اللي انا بفكر فيه ولا لا - [00:32:46](#)

انا بفكر بطريقة واحد اتنين ثلاثة اربعة هو ده نصرة القضية. لو قال اي حاجة غير كده والراجل ما يفهمش حاجة الشخصيات دي غالبا الوقت اللي احنا فيه ده مش وقتهم - [00:33:10](#)

ويا جماعة الخير النقاشات الكثير في الحنة ديت استهلاك واستنزاف وتبذير وقت وتداعي انفس ما لديه بعد دينه وعرضه وقته فيحافز عليه فشوفوا سبحان الله دي الحقيقة الاولى ان الدنيا متاع قليل. لا تساوي عند الله شيئا - [00:33:23](#)
ومن حقارة الدنيا دي زي ما بنقول لكم بالنسبة للاخرة ان نعيمها مهما كثر يتلاشى امام ادنى عذاب. والبؤس مهما اشتد سينسى امام ادنى نعيم. طيب الحقيقة الثانية ان المؤمن كريم على الله - [00:33:46](#)

المؤمن كريم على الله فالله ولي المؤمنين ومولاهم وهو معهم يحبهم ويتولاهم ويصلي عليهم وهو رحيم بهم يا جماعة الخير والله وبالله وتالله لست ليس الانسان الغزاوي باكرم في قلبك من الله - [00:34:10](#)
ولست رحيمًا به اكثر من رحمة ربك لان احيانا يتسرب لك وانت مش واخذ بالك ان انت ارحم بهؤلاء من ايه؟ ممن خلقهم ممن قدر عليهم هذا فاياك انك يتسلل لك ده - [00:34:43](#)

اوعى ربك ان المؤمن كريم عليه. ربك يتولى هؤلاء لكن قوانين السماء مختلفة عن قوانين الارض فالله سبحانه وتعالى بنقول ان الحقيقة الاولى ان الدنيا متاع. وان مهما كان متاع حقير قليل - [00:35:09](#)
الحقيقة الثانية ان المؤمن كريم على الله ولي المؤمنين ومولاه. وهو معه في حبهم يتولاهم يصلي عليهم رحيم بهم طيب ثلاثة ان الكافر ولزلك الاسئلة بتاعة ليه ربنا عمل؟ وليه ربنا تارك والكلام ده كله؟ ان شاء الله هنتكلم على تقدير الله للشرا احيانا في مسل هزه الامور ان شاء الله - [00:35:34](#)

اتكلم عليها في السلسلة ديت. لكن نصيحتي يا جماعة ان اول شيه نربي ولادنا واللي بيسألوا الاسئلة ديت لازم يتكلم ويسأل السؤال طب سؤال العبد الذي يسأل عن حكمة رب - [00:35:59](#)

مش سؤال الند للند النقطة دي مهمة جدا في اسلوب طرح السؤال ده انت مدرسة لما الولد يقول لك ايه هو انت ليه قلت ان احنا نعمل الواجب مرتين تقول له احترم نفسك واتكلم بادب. ولحضرتك - [00:36:15](#)
وانت لا رحتي ولا جيتي وبتبقى شايفة كده. عيب انا مامتك تتكلم باسلوب كويس عيب ده باباك. طيب والرب جل وعلا فمهم جدا نغرس في نفسنا ونغرس في اولادنا كيفية السؤال - [00:36:35](#)

ودوافع السؤال ودوافع السؤال النقطة دي حساسة جدا وان شاء الله هنتكلم عنها بتفصيل في احدي اللقاءات ربنا يلهنا السداد يبقى الحقيقة الثانية ان المؤمن كريم على الله طب والحقيقة الثالثة - [00:36:53](#)
ان الكافر مهين عند الله فالله لا يحب الكافرين وهو عدو لهم نسوا الله فنسيهم ولعنهم وغضب عليهم المؤمن والكافر كلاهما يعمل الحسنات ويعمل السيئات. واعظم حسنة للمؤمن ايمانه وتوحيده - [00:37:17](#)

واكبر سيئة للكافر كفرا حسنات الكافر اللي بيعملها في الدنيا من اعمال الدنيا والنفع العام اقتضى عدل الله وحكمته انه ياخذ ان الكافر ياخذ عليها في الدنيا. لكن في الاخرة لأ - [00:37:42](#)
وبالتالي المقدمة دي تخليك تخرج بايه بما ان ان الدنيا لا تساوي عند الله شيئا وان المؤمن كريم على الله ناخذ بقى الفائدة بقى ايه هي الفائدة ان الله لم يرضى الدنيا سواها لحسنات المؤمن - [00:37:58](#)

ولكنه رضىها تكفيرا لسيئاته لو فهمتوا النقطة ديت اقول لكم اقول قولي هذا واستغفر الله لي ولكم. خلاص كده تبقى انتم ورؤتم وفهمتموا المشهد ماشي ازاي بما ان ان الدنيا لا تساوي حاجة - [00:38:22](#)
وان هي حقيرة وان هي متعتها قليلة وبما ان المؤمن كريم جدا عند الله سبحانه وتعالى. وكريم على ربه اه نخرج من المدخلات دية بايه تخرج من عارفين الجماعة بتوعة الرياضيات يقول لك بما ان ازا بما ان اه ازا ايه - [00:38:43](#)

فالله لم يرضى الدنيا ثوابا لحسنات المؤمن. ليه؟ لانه كريم جدا عليه وان الدنيا ديت مفضوحة ولا تساوي شيه ولكنه رضىها تكفيرا

لسيناته عشان كده اما تسمع قتلة الانبياء وان هم قتلوا الانبياء اه ده قتلوهم فين؟ في الدنيا فهو رضىها تكفيرا لسيناته - [00:39:05](#)

لكنه لم يرضى الدنيا ثوابا لحسنات المؤمن هتأخذ ايه في الدنيا يعني ايه اللي هتأخده يعني؟ عقارات وسيارات والنساء واموال وذهب ومجوهرات وياقوتان. كل ده يا ابن الحلال ولا حاجة - [00:39:31](#)

ولان الدنيا لا تساوي عند الله شيئا. ولان الكافر مهين ومهين وكل الهوان والزلل عليه ومهين عند ربنا فان الله لم يرضى الدنيا عقابا لسينات الكافر ولكنه رضىها ثوابا لحسناته - [00:39:51](#)

حد فاهم حاجة بما ان ان الدنيا لا تساوي حاجة وان الكافر ده مهان عند ربنا فربنا ما رضى ان الدنيا تكون عقاب ماشي؟ ما تكونش عقاب للسينات. ولكن رضىها ثواب - [00:40:17](#)

لحسناته. عملت ايه في الدنيا وتصدقت وجيت طب خد يا سيدي في الدنيا خدت كده؟ اه ده عدله سبحانه وتعالى فالنقطة دي مهمة جدا لم يرضى الله الدنيا ثوابا لحسنات المؤمنين. الدنيا لا تستحق لا تستحق - [00:40:40](#)

ان تكون سواب لك انها تكون الثواب الاوفى لحسنات المؤمن يقول لك ربنا اداني خلاص اكرمني اهاني كلا. لا لا لا. لا انت بتفكر ازاي اوعى تكون فاكر كده ان لما يفتح عليك تقول اكرمني لما يضيق عليك تقولي اناني ده دي كلها دنيا. كلا لا لا لا واوعى المفاهيم دي تيجي لك - [00:41:03](#)

وبالمناسبة الصور اللي هي الكلام ده في مفاهيم سورة الفجر واحنا بنتكلم كده ايه بعد الفجر لكن احنا ممكن نرى بعض المؤمنين في حالة حسنة في الدنيا اه فقد يعطي الله سبحانه وتعالى المؤمن من الدنيا من العافية من سعة الرزق - [00:41:26](#)

ان الامن لكن العطاء اللي هو الجزاء بالاخص بعمله لا ده هناك قد يكون بقى ابتلاء من الله فان الله كما بيتلي بالمصائب بيتلي بالنعمة ونبلوكم بالشر والخير فتنة حتى التمكين اللي ربنا وعد به المؤمنين. هو ابتلاء - [00:41:45](#)

عسى ربكم ان يهلك عدوكم ويستخلفكم في الارض فينظر كيف تعملون سيدنا موسى قال لبني اسرائيل كده هو انتم فاكرين يعني ان طب ما هو انتم لو ربنا فتح عليكم وممكن لكم خلوا بالكم من التمكين ده بلاء - [00:42:12](#)

بلاء واديكم شفتم احنا في يوم من الايام مر علينا فترة من الفترات كمسلمين في كل بلاد الابه؟ معظم البلاد العربية من بعد الفين وعشرة ربنا اذاقهم بعض التمكين الجزئي - [00:42:29](#)

شفت قد ايه ان كان في اشكالات من بين اصحاب المكان الواحد والفكر الواحد فكان ده بلاء واخذين بالكم اه بلاء يعني ايه؟ يعني اختبار مش بلاء يعني حاجة وحشة لا كان احنا في اختبار - [00:42:46](#)

فكل ما في الدنيا هو اختبار وقد يكون العافية اه من عاجل بشرى المؤمن وشيء من الثواب المعجل لاعماله الصالحة دون ان ينقص شيء من اجره في الاخرة ان الله لا يظلم مؤمنا حسنة يعطى بها في الدنيا ويجزى بها في الاخرة - [00:43:02](#)

عشان كده ولولا ان يكون الناس امة واحدة لجعلنا لمن يكفر بالرحمن لبيوتهم سقفا من فضة ومعارج بها يظهر يعني ربنا بيخبر ان الدنيا لا تساوي عنده شيء. ولولا لطفه ورحمته بالعباد - [00:43:28](#)

لوسع الدنيا على الكفار توسيع عظيم جدا. ولجعل لبيوتهم سقفا من فضة ومعارج الدرج يكون من فضة ولبيوتهم ابوابا وسرورا عليها يتكئون وجعل عليهم زخرفا لهم في الدنيا لكن منعوا من ذلك رحمته بعباده - [00:43:49](#)

خوفا عليهم من التسارع في الكفر وكسرة المعاصي بسبب حب الدنيا فاهمين الاية؟ لاني هقرأها بعد ما شرحتها ولولا ان يكون الناس امة واحدة لجعلنا لمن يكفر بالرحمن لبيوتهم سقفا من فضة ومعارج - [00:44:11](#)

عليها يظهرين ولبيوتهم ابوابا وسرورا عليها يتكئون وزخوفا بس ايه ايه بقى كل ده اه بس خلي بالك تمتعها الدني ده لكن الاخرة عند ربك للمتقين الشعور ده الشعور ده يخليك لا ما تضيعش - [00:44:31](#)

الضياع ليه عشان كده من الوقفات الجميلة انك تقف عند كلمة ايه؟ زخرفة ما تكملش وصورة عليها يتكئون وزخرفها. واوقف بقى اه هو ده وقف انتباه القلب طب ما تكمل نقول ايه؟ وان وان كل ذلك لما متاع الحياة الدنيا - [00:45:00](#)

اقف هنا عشان تبدأ بقى تحكم لكنه رضى الدنيا تكفيرا لسينات المؤمن رضى الدنيا تكفيرا لسينات الدنيا لانها حقيرة وبسيطة

والمؤمن خطاء فجعل الدنيا لا تساوي عنده شيء محل تكفير سيئاته - [00:45:28](#)

فاذا جاء يوم القيامة يجي قد تخفف من زنوبه او محيت عنه عشان كده تفهموا حديث النبي في السياق ده ما يصيب المسلم من

نصب ولا وصب عجبني جدا الشيخ شفته الانسان عم بيبقى سابت على - [00:45:52](#)

وهو بيكلم واحد يقول له ايه؟ ايه زعلان ليه يا زلمة اه والله زعلان ليه يا زلمة؟ امبارح كان الدرس كله اصلا كان خلاصته زعلان لي يا

زلمة انت مش مؤمن انت مش مسلم - [00:46:09](#)

خلاص ابن عمك وسامحه شهيد شهيد يعني واخذ سبعين هيشفع لسبعين واحد من عيلتك انت كنت تتمناها ديت وبعدين يشوفوا العقيدة يا جماعة واصل عشان كده العقيدة مش ايه؟ عندنا امتحان في العقيدة. والاخت مش عارف امه ميين عاملة لنا مادة ايه -

[00:46:24](#)

وامتحانات واندنا اربع سنين في المعهد وستين ماجستير وستين دكتوراة ومش عارف ايه وتلاقي في الاخر خالص الاخت اصلا تطلع مساوية او اخت عندها احتقان تجاه المؤمنين ومش عارف ايه والكلام ده كله ايه هو ده العقيدة بقى العقيدة اللي ايه تفعيل

العقيدة في الحياة - [00:46:45](#)

احنا مش هندننا ندرس عقيدة لغاية ما نخش قبرنا وهنمارس عقيدة اه احنا بندرسها عشان نمارسها ففكرة ايه بقى؟ قال جملة جميلة

قوي. قال احنا خلوة مش كتير على ربنا - [00:47:04](#)

ان احنا ايه يعمل فينا كده. احنا مع ايه المشكلة ايه المشكلة؟ عمل فيك ايه يعني؟ خد عيالك ايه المشكلة؟ مش هو اللي مديهم لك

حاجة كده والراجل ايه بيتكلم بيتكلم في وهو عارف كويس اوي يمكن الصاروخ اللي جاي عليه. يعني ومنهم من - [00:47:21](#)

انتزرو ومنهم من ينتظر والله يا جماعة فعلا فعلا الناس دي هم بيشفوفوكم وبيشفوفونا احنا اموات لا حراك فينا هم حاسين انك لا تسمع

الموتى واحنا شايفينهم من المفترض المفترض نشوفهم احياء عند ربنا. هم دول يعني سبحان الله - [00:47:43](#)

انت تبكي على نفسك تتضايق وفي نفس الوقت جهز نفسك يا سيدي جهز نفسك اشوف اشوف المخرجات بتاعتهم. هو ليه الناس دي

كده اه تبدأ تدرك بقى الناس دي عايشة قضية في هدف سامي في هدف اسمى. الناس دي مش بتصحى وتنام قاعدين يعدوا

ويشوفوا ايه بتاع والكلام ده كله - [00:48:11](#)

انت لغاية النهاردة وقاعد بتدور على جهة تتبرع تتبرع لها وفي نفسية البعض شعور اللي هو هيتبرع جزاه الله خيرا. لأ التبرع ده حتى

الاسم ده محتاج يتغير محتاج يعني في حاجة اسمها صدقة في حاجة اسمها زكاة. الزكاة دي واجبة. طب والصدقة؟ براحتك صح -

[00:48:34](#)

الناس بسبب الشح ده يجي بقى يسأل يا شيخ ينفع حد مش عارف ايه من الزكاة مش عاوز يطلع صدقة فعاوز يدي الناس وما يديش

اي حد يقول لك لا اصل ممكن يجيب بها سجاير اصل ممكن يجيب بها كزا فانا مش هديله. يا حبيب قلبي الزكاة دي مش بتاعتك. ده

واجب عليك تطلعها. نفس الكلام - [00:48:57](#)

الشعور اللي انت بتقوله دلوقتي اه الشعور ده شعور انك تنزر اخوك ده اول ما الباب يفتح ويكون فيه بتاع ده مش بمزاجك. يعني

مش احسان مش بتقول اصل انا باخد تلت اربع تلاف جنيه هتطلع ايه - [00:49:14](#)

في ناس بتطلع روحها في ناس بتبذل آآآ نفسيتها لله سبحانه وتعالى فنرجع للحديث النبي صلى الله عليه وسلم بيقول النبي صلى

الله عليه وسلم يقول ما يصيب المسلم من نصب ولا وصب - [00:49:29](#)

ولا هم ولا حزن. عارفين الهموم اللي انتم فيها ديت؟ والله لا تغيب عن الله سبحانه وتعالى ولا حزن ولا اذى ولا غم اللي عاوزين

يتبرعوا ويقولوا مش عارفين جهة. ما انا قلت لكم دلوقتي يا جماعة لغاية ما الموضوع يتم ويبقى في جهة فعلا موثوقة - [00:49:47](#)

ودخلت اه انت طلع كل اللي انت ناوي تطلعه وجمع من خالتك وعمتك وبتاع وحط على جنب واحط على جنب ونصيحتي ما حدش

يجمع ماديات وما حدش يدي حد ما يعرفوش معرفة حقيقية - [00:50:06](#)

وكل واحد بيجمع من قرايبه وبتاع يضع واحد جنبه يكون مراقب عليه لان في الاوقات دي ممكن النفس تضعف ومش عارف ايه

وفي واحد ايه يروح واخذ حاجة لنفسه والكلام اللي انتم عارفينه. انا بحميك انت - [00:50:24](#)

سيبك بقى من كمان من الاشكالات اللي اياها لأ ده انا بكلمك في الاشكالات اللي ممكن تقابلك في قبرك. ابتمى انك تجمع حاجات وبعدين انا بسبب الاستشارات الكثير في ناس - [00:50:40](#)

للاسف بتغلبلها هواه فيبدأ ايه يستفيد من الحاجات دي. فخلي بالك فيما يصيب المسلم من نصب ولا وصب ولا هم ولا حزن ولا اذى ولا غم. حتى الغم حتى الشوكة - [00:50:50](#)

ان يشاها الا كفر الله بها من خطاياها ما يزال البلاء بالمؤمن والمؤمنات النبي صلى الله عليه وسلم بيقول لنا كده البلاء يزال في المؤمن والمؤمنة في نفسه وولده وماله حتى يلقى الله وما عليه خطيئة - [00:51:09](#)

عرفتوا بقى راضي الدنيا تكفيرا لسينات المؤمن طيب وايه كمان ولم يرضى الدنيا عقابا لسينات الكافر بؤس الدنيا مهما اشتد دون ما يستحقه الكافر من العقاب عشان كده القاعدة الاساسية في كتاب الله توعد الكافرين بالعقاب في الاخرة - [00:51:30](#)

لا يغرنك لا يغرنك تغلب الذين كفروا في البلاد ليه؟ لان تغلب الذين كفروا في البلاد متاع قليل قاعد اشوف ده جه وبتاع وراح له بالطيارات وعاملين جسر جوي وبمدهم لا يغرنك تغلب الذين كفروا في البلاد - [00:52:04](#)

متاع قليل ثم مأواهم جهنم وبئس المهاد وبئس المهاد ولا تحسبن الله غافلا عما يعمل الظالمون. افتح قوس ولا تحسبن الله غافلا عما يعمل اليهود بيض ننتياهو والمجرمين المتخاذلين لا تحسبن الله غافلا - [00:52:28](#)

اوعى ولا تحسبن الله غافلا عما يعمل الظالمون. انما يؤخرهم ليوم تشخص فيه الابصار اما يكون هدفك الله زي ما اتكلمنا امبارح هتلاقي الحاجات دي بتتفك معك لكن الاسئلة اللي بتتولد كتير ليه وليه قدر وليه وليه ليه؟ في تشويش في في الهدف الكلي -

[00:52:59](#)

عشان كده السؤال ده ما ينفعش يجاوب عليه اجابة الدقيقة والدقيقتين لا السؤال ده محتاج يتفكك الحاجات اللي انتجتته من الحاجات اللي انتجتته اما تلاقي ان في مشكلة الجهاز بتدور المشكلة دي الدافع بتاعها ايه؟ فعالج الاساس عشان لو عالجت العرض

بس - [00:53:24](#)

هتلاقي اسئلة كتير بتتولد واقول لكم على حاجة في ناس كتير انا عارفها شخصيا من اللي بيسألوا الاسئلة دي تم اجابتهم على السؤال ده قبل كده في احداس قبل كده - [00:53:48](#)

وهو اقتنع جدا بالاجابة لكن لما حصل حاجة تانية نسال نفس السؤال عارفين ليه؟ لان هو ما غيرش نظام التشغيل اللي عنده. ما هو كل مرة هيطلع نفس السؤال تاني - [00:54:01](#)

واخدين بالكم؟ ياما درست القضاء والقدر وفهمت كل حاجة لكن كل بلاء طب ليه ربنا قدر؟ عاوزه تاني تسمع الدرس من اول وجديد ونعمل سلسلة المشكلة فين المشكلة زي ما انا قلت لكم امبارح في اللقطة كده اللي بينكم انتبه قلت لكم ان الدقيقة ديت اهم دقيقة في المساق كله. ايه هي - [00:54:17](#)

ان هددناك مشاكلك هدها موجودة وازماتك هدها موجودة واسئلتك هدها موجودة طول ما هدفك ليس الهدف الاكبر هو الله مهما هتسمع المساق ده بالمناسبة ومهما هتسمع مساق للدكتور احمد عبدالمنعم واخونا عمرو الشرقاوي والدكتور حازم شومان

والشيخ مصطفى العدوي وكل الافاضل واسيادنا دول كلهم - [00:54:38](#)

مهما تسمع لكل الكبار دول هترجع تاني لنفس المربع. ليه طول ما انت بتبني كل مرة هتبني القصر الديوي وهتيجي ربح الكهربا هتقطع هتفصل. ليه؟ ما اصل انت مجهودك كله اللي فات كان في بناء القصر - [00:54:59](#)

فيا حاجة هتيجي ناحية القصر لو حتى يعني في يعني كلب هو هو هتضايق لمعاجان ده اصل انت هدفك بقى في سكة تانية. لكن اما بتكون في الناحية التانية واخلصناهم بخالصه ذكرى الدار. ومركز جدا في الحنة التانية - [00:55:16](#)

هتلاقي ان الاسئلة وان الحاجات دي بتفك الايه؟ اشكالات كتير قوي. نرجع للقاعدة اللي احنا قلناها ان انا نسيت بعضها. اه لم يرضى الدنيا عقابا يأتي الكافر لكنه رضيها ثوابا لحسناته - [00:55:35](#)

من كان يريد الحياة الدنيا وزينتها نوفى اليهم اعمالهم فيها وهم فيها لا يبخسون. اولئك الذين ليس لهم في الآخرة الا النار. والله العظيم الآية دي مرعبة مرعبة من اربع من اكثر الايات ايه؟ رعبا في كتاب الله. عارفين ليه - [00:55:51](#)

عارف اما واحد بيقول لك ايه انت ما لكش في المطار الا كزا انت ما لكش في انت مسلا مسافر الاسكندرية. واحد بيقول لك ايه احنا مستنينك في دخلة اسكندرية. ما لكش الا كزا - [00:56:11](#)

شف ما هو فيه واحد بيقى عارف ليس لهم في الآخرة الا النار ده عشان ايه؟ كان يريد الحياة الدنيا وزينتها. بس هو مش مشغول بالآخرة. هو مشغول بالشهادات ومشغول مش عارف ايه والكلام ده كله. الصلاة بعدين يا شيخ المال الحلال بعدين - [00:56:25](#)

ما شيش مش عارف يا شيخ ما تعقدهاش ربنا بيقول ده مش هندي له؟ قال لك لا. نوفى اليهم اعمالهم. نوفى هياخدها متوفية ولا وهم فيها لا يبخسون لكن اولئك - [00:56:43](#)

ليس اولئك الذين ليس لهم في الآخرة الا النار. وحبط ما صنعوا فيها. وباطل ما كانوا يعملون فمش هيديهم بس لأ هيوفيهم عطاء مستوفي مستغرق لكل ما عملوه عشان كده يقول لك يا شيخ ومش عارف مين وكان بيخدم المرضى وكان مش عارف دكتور قلب وعمل لي مستشفى. والثانية كانت صحفية وكانت كزا وكانت بتعمل حاجات - [00:56:59](#)

تخدم القضية تخدم قضيتك انت ممكن لكن قضية التوحيد هي مش شاغلك؟ اه خلاص ما تتكلمش في ملك من آآ انزل هذا الوحي هم في الدنيا خدوا عطاءهم مستوفي. ويوم القيامة ممكن تبقى تقول يا رب - [00:57:27](#)

انا ما شفتش ان هم خدوا عطاءهم واستوفوا وتعرف ساعتها ربنا يسلمنا واياكم وهم فيها لا يبخسون حتى لا يبقى لهم في الآخرة منها شيه يبقى تيجي اللي ماتت على الكفر واللي مات على الكفر ده ييجي يوم القيامة؟ اه ما لوش لقطه ما خدش عليها - [00:57:48](#)

بس انا كنت بخدم قضية فلسطين خدت شهرة وخدت البروباجاندا وخدتي اماكن فتحت ليكي وخدتي وخدتي وخدتي عطاءات تيجي في الآخرة ما لهاش سنتي مللي ما اتحسبتش عليه. خلاص بقى؟ ليس لها الا النار - [00:58:13](#)

اولئك الذين ليس لهم في الآخرة الا النار ويجي حديس النبي صلى الله عليه وسلم. واما الكافر فيطعن بحسناته في الدنيا. فاذا افضى الى الآخرة لم تكن له حسنة يعطى بها خيرا - [00:58:33](#)

فاللي انت شايفه من رغد عيش الكافرين ورفاهية الكافرين وتمتعهم ده الجزاء الاوفى لاجتهادهم وعملهم في الدنيا عشان كده نستفيد ان قاعدة الثواب والعقاب للمؤمن ليست هي قاعدة الثواب والعقاب للكافر. فهنا حاجة - [00:58:48](#)

ليست القاعدة. طبعا ده كله في الجزاء الحسي. اما المعنوي لا طبعا معيشة ضنك ودول حياة طيبة فلنحيينه حياة طيبة عاوز تقول ايه؟ عاوز اقول لك من الخطر والخطأ انك تقارن دايمنا باحوال المؤمن المادية في الدنيا - [00:59:09](#)

واحوال الكافر المادية في الدنيا كيف تقام من بلاؤه معجل وثوابه مؤجل لمن ثوابه معجل وعقابه مؤجل ازاى بل انما نرى من غلبة احوال الابتلاء على المؤمنين وغلبة احوال رغد العيش على الكافرين هو عين ما تنطق به حقائق الدين - [00:59:30](#)

لما سأل عمر رضي الله عنه النبي صلى الله عليه وسلم ادعو الله يا رسول الله ان يوسع على امتك فقد وسع على فارس والروم وهم لا يعبدون الله فاستوى جالسا سم قال افي شك انت يا ابن الخطاب - [00:59:58](#)

اولئك قوم عجلت لهم طبيباتهم في الحياة الدنيا احنا طولنا قوي كده وعدينا الساعة مرتاحين قوي وربنا يعفو عنا وفي رواية اما ترضى ان تكون لهم الدنيا ولنا الآخرة فلانم ندرك يا جماعة لماذا قال الله للكافرين كلوا وتمتعوا قليلا - [01:00:17](#)

بينما قال للمؤمنين اصبروا وصابروا ورابطوا كنت عاوز اكمل بس واضح ان احنا ايه هنطول لكن لعل ان شاء الله اكمل الفكرة ما كنت عاوز اقولها في لقاء المساء عشان - [01:00:46](#)

آآ نجتمع بين المفاهيم بتاعة التثبيت العقدي ده لان يا جماعة الخير ركزوا في الكلام اللي هقوله ده. السلوك مرآة الفكر السلوك مرآة الفكر يعني ايه بقى عاوزنا نكمل انتم ناس رايقة قوي. هحاول اكمل كده في خمس دقائق عشر دقائق. بس اصل في ناس رايحة المدرسة ومش عارفة مش عاوزة تنزل وعاوز يكمل الحتة دي - [01:01:14](#)

وما عندوش آآ باين ان هو بيرجع يسمع يعني لكن عموما السلوك مرآة الفكر السلوك مرآة الفكر فسلوكك تعمل ايه بناء على فكرك ايه

يعني يا شيخ نختم القضية ازاي ونعمل ايه؟ على حسب افكارك ومبادئك وعقيدتك - [01:01:50](#)

فلو ما زبطتش المفاهيم العقدية دي هاي يحصل تشويش في خدمة القضية واخدين بالكم فالدنيا ليست نهاية المطاف والايات في هذا اشهر من ان تذكر واكثر من ان تحصى القرآن دائما - [01:02:16](#)

يذكر ويعد بالقصاص في الآخرة. وده امر جازم في القرآن كله قد تحدثنا عن المجرمين اللي بيستهزأوا بالمؤمنين ان الذين اجرموا كانوا من الذين امنوا يضحكون طب حسابهم امتى يا رب؟ جعل حسابهم هناك. فاليوم اي يوم الاخر. الذين امنوا من الكفار يضحكون. ولذلك يمر بال - [01:02:42](#)

وهم يعذبون فلا يزيد على ان يقول صبرا ال ياسر فان موعدكم الجنة ويتوعد الزالمين زي ما قلت لكم كده في اية ابراهيم واية ال عمران ولا تحسبن الله غافلا عما يعمل الظالمون - [01:03:10](#)

وقلنا ان المفاهيم ان الدنيا ديت اما تشوفها ان هي احقر هتتألم لاخوانك لانك المؤمن كالجسد الواحد يتألم ليه وهيكون جراحات المسلمين تولد واجب النصرة عندك. وكل المعاني دي اه لكن عمرة - [01:03:31](#)

ما هتسبب لك احباطات ولا يأس ده هيبكون دائما شعارك قومه فموتوا على ما ماتوا عليه لما تعرف في منزومة التسبيت العقدي ان الدنيا دار بلاء واختبار رغم ان الجملة دي كلنا بنقولها. ماما بتقولها في البيت وبابا بيقولها وجده بيقولها ومكتوبة في المش عارف ايه والمدرسة بتقولها - [01:03:51](#)

لكن احنا محتاجين ان نستحضرها ونعمل بها مين يوقن عنده يقين فيها احسب الناس ان يتركوا ان يقولوا امنا وهم لا يفتنون وربنا قال لنا كده انتم هيحصل لكم بلاءات. انتم تبلغون في اموالكم وانفسكم ولا تسمعن من الذين اتوا الكتاب من قبلكم ومن الذين - [01:04:15](#)

اشركوا اذى كثيرا طب نعمل ايه؟ وان تصبروا وتتقوا ان ذلك من عزم الامور آآ اللي بيجزع عند المصيبة وبيتسخط لم يعلم بعد حقيقة الدنيا ولا فقه الغاية من الخلق - [01:04:45](#)

خلاص؟ عشان كده صدقتي ارحم نفسك من الجنون وارتبط بوردك وقرآنك وازكارك عشان تفهم المشهد. والله هتتجنن هتتجنن لو بعدت عن الوحي مش هتفهم المشهد هيبكون مطفي معك الفيشة هتتشال روحك هيتم هتحتضر - [01:05:05](#)

احنا في احداس اكبر من دماغك اكبر ان عقلك يستوعبها ومهما هتحاول تبعد وما تسمعش الاحداس وكده الاحداس هتيجي لك يا نجم الاحداس هتيجي لك انت شايف هو ان انت قاعد او مال تسمع حاجات وصوت فيه نفس ديبب الافعى. لان هناك امور ترتب - [01:05:31](#)

فكل انت هتتحاصر هتتحاصر الفتنة هتصيبك رزازها هيبجي هيبجي لكن انه هيبجي لك وانت عامل ازاي وانت اسد ولا وانت ايه ان الله اذا من الحاجات المهمة جدا في منظومة التثبيت والتبشير - [01:05:55](#)

ان البلاء وهو قدر هذه الدنيا خير للمؤمن ان الله اذا احب قوما ابتلاهم فمن صبر فله الصبر. ومن جزع فله الجزع وسئل النبي اي الناس اشد بلاء؟ قال الانبياء ثم الامثل فالامثل. فيبتلى الرجل على حسب دينه. فان كان دينه صلبا اشتد - [01:06:12](#)

بلاؤه وان كان في دينه رقة ابتلي على حسب دينه فما يبرح البلاء بالعبد حتى يتركه يمشي على الارض ما عليه خطيئة فدي الرحمة المقصودة في البلاء يبتلى على قدر دينه - [01:06:33](#)

ليه؟ لانه لا يريدك ان تسقط في الاختبار فاجر اهل البلاء الصابرين في الآخرة فوق اجر اهل العافية ثم البلاء في الدنيا بيخليك نقى والامة بمجموعها ما يصيبها في الدنيا يطهرها في الآخرة. امتي امة مرحومة - [01:06:53](#)

ليس عليها عذاب في الآخرة عذابها في الدنيا الفتن والزلازل والقتل فالمنزومة دي عما تستحضرها تبدأ تنتقل من المفاهيم دي الى مفاهيم اخرى. ايه هي؟ الاعتقاد بمعية الله في زمن الشدة - [01:07:17](#)

لك لما تأخر الوحي والمشركون قالوا على النبي صلى الله عليه وسلم قد قلق ربك يا محمد نفى الله هذا وخاطب النبي الم يجدك يتيما فاوى ووجدك ضالا فهدى ووجد - [01:07:37](#)

لك عائلا فاغنى شعور المعية في زمن الشدة دي مهم جدا. لما امر الله موسى بالذهاب الى فرعون تهيب وخاف فطمأنه الله بالمعية.
قال لا تخاف انني معكما اسمع وارى - [01:07:51](#)

وبالمعية ثبت النبي صلى الله عليه وسلم ابا بكر اسكت ابا بكر ما ظنك باثنين الله ثالثهما ما ظنك بغزة والله معهما حال ام موسى لما
ايقنت ان الله معها بعد ان هي رد عليها الرضيع - [01:08:11](#)

سبحان الله الشعور المعية ده مهم جدا ووعد الله للمبتلين بالعون على لسان نبيه تنزل المعونة من السماء تنزل المعونة من السماء.
على قدر مؤمن. على قدر التعب. وينزل الصبر على قدر المصيبة - [01:08:31](#)

وسمى الله نفسه المجيب من كسرة ما يجيب عباد المتضرعين امن يجيب المضطر اذا دعاه ويكشف السوء الشعور بالمعية ده يجعل
المبتلى مطمئن واسق بفرج الرب بل يرى الفرج في ثنايا الابتلاء - [01:08:54](#)

واخذين بالكم ولما رأى المؤمنون الاحزاب قالوا هذا ما وعدنا الله ورسوله وصدق الله ورسوله وما زادهم الا ايمانا وتسليما فمن اعظم
السبل لاستجلاب معية الله في الشباب هي الاستقامة على امره - [01:09:16](#)

احفظ الله يحفظك احفظ الله تجده امامك تعرف اليه في الرخاء يعرفك في الشدة. ودي قرارات اللي انت محتاج تخرج بها عشان
تفيد اخواتك. من ضمن افادتك لاخواتك. اخواتك لما - [01:09:37](#)

يشوفوا النهاردة يشوفوك وانت قاعد عمال تلعب كورة وقاعد عمال تسمع اغاني وهم متبهدين يقولوا الانسان ده احنا مش مستنيين
منه حاجة. لما هيلاقوك طانع ومهتم بالصلوات ومهتم بقرآنك ومهتم بكذا يأمله خير ويقولوا حتى لو احنا مشينا الحمد لله في من

يخلفنا وفي اخواتنا - [01:09:51](#)

على الدين وعلى المنهج ثابتين والناس كلها بترجع يا جماعة والناس كلها بتتفاعل فعيب قوي ان الكل يتفاعل وانت تبقى نايم حتى
الفنانين والمطربين والناس ده حمو بك عمل اغنية. استسمر الحدس - [01:10:11](#)

فا ايا كان بقى ايه زي ما شيخ الاسلام ابن تيمية كده بيقول على الناس اللي بتحتفل بالمولد يؤجروا من وجهه ويبعاتوا ويؤزروا من
وجهه وجهه ان هم تفاعلوا حبا للنبي - [01:10:28](#)

ده وجهه ياخذوا عليه اجر لكن بسبب البدع اللي عملوها فزنبهم اكبر من غيرهم. فبص على المشهد بالطريقة ديت اما تلاقي ان فيه في
واحد قاعد من فعل للامة والكلام ده كله يعني انا نصيحتي يعني لا تحكموا على قلوب احد. لان شفت مقطع امبارح لحد من -

[01:10:42](#)

الفنانين وهو من فعل جدا فلكيت واحد بيقول ايه؟ جا له اوردر انه يقول. جا له بالامر انه يطلع يتكلم يا اخي. يا اخي هل معك بينة
من الله على هذا - [01:11:02](#)

لا يجرمنكم شأن قوم انتبه ما تخشش في القصة دي كان ينبغي انك تتعامل مع الناس بالظاهر. اي نعم لست بالخب ولا الخب
يخدعني. لكن احنا مش هنشق على قلب الناس - [01:11:15](#)

اتقوا الله وما تشغلوش على ان الحاجات دي من ضمن الحاجات اللي بتوقعنا في الهزيمة اكثر. وعلى فكرة بيتمكن الشيطان من
روحك اكثر. فانت تبقى محبط يجي الشيطان يفرتكك اكثر. ليه؟ لان روحك كل عما تحاول تقوم - [01:11:31](#)

تجيب آآ امراض معينة زي الامراض دي تبهدك فاحنا ما لناش علاقة بحد اننا نحكم عليه. طالما امور قلبية بامتياز عارف ان الكلام ده
هيدايق بعض الناس. لكن ان شاء الله يحسن الظن بنا وما يضايقش - [01:11:47](#)

اه من الحاجات المهمة جدا في التسبب العقدي عشان نقول ان العقيدة يا جماعة والفكر والكلام ده كله هياسر جدا على سلوكك وهو
التثبيت العقدي للايمان بالقدر يا جماعة ما اصاب من مصيبة في الارض ولا في انفسكم الا في كتاب من قبل ان نبرأها - [01:12:07](#)

يعني ما فيش مصيبة حصلت في الارض المستشفى اتضربت المخيم مش عارف حصل له ايه ده بيض انعمل ده مش عارف ايه ما
اصاب من مصيبة في الارض ولا في انفسكم الا في - [01:12:29](#)

كتاب من قبل ان نبرأه من قبل ان نخلق الارض ومن قبل ان نخلق هذه النفس ومن قبل ان كل الكلام ده مكتوب. ان ذلك على الله

سير طيب المفترض لما انا اعرف المعلومة دي احبط؟ لا. اهل الايمان لكي لا تأسوا على ما فاتكم. شفتم الاية بتقول لنا ايه؟ الكلام ده
انا باقوله لك عشان - [01:12:42](#)

اخفف عنك عشان كده تبدأ تقول بقلبك قل لن يصيبنا الا ما كتب الله لنا كتب لي مش علي. هو مولانا عشان ده كتب لي سبحانه
وتعالى والمولى لا يريد بمولاه الا الخير - [01:13:03](#)

اللهم يا ولي الاسلام مسكنا بالاسلام حتى نلقاك عليه. وجنبنا الفتن ما ظهر منها وما بطن وثبتنا بالقول الثابت في الحياة الدنيا وفي
الآخرة والله وبالله وتالله نعيم ما بعده نعيم في الدنيا. انك تكون عايش مع كلام الله وكلام رسول - [01:13:24](#)

وانك تكون فاهم المشهد كويس قوي تكون فاهم المشهد اوي هتلاقي نفسك مرتاح وهتلاقي نفسك في حنة تانية خالص وآآ تجد ان
الامور ديت تسكن الجراح بل بالعكس ده هتلاقي ان الامور ديت - [01:13:47](#)

بتطلع لك بتطلع لك معاني ادفنت. ترجع تاني تحببها تلاقي نفسك بتخدم صح وبتخدم القضية صح وتخدم اخواتك صح سبحان الله!
وتلاقي نفسك بكل سهولة اللهم لولا انت ما اهتدينا ولا تصدقنا ولا صلينا فانزلن سكينتنا علينا وثبت الاقدام الا قيما - [01:14:05](#)

تلاقي ان الشعور ده هو ده اللي دايم ايه؟ مستدعى في قلبك. الحمد لله الذي هدانا لهذا وما كنا لنهتدي لولا ان هدانا الله اللي
هيحضر لقاء بالليل يكون سامع اللقاء ده - [01:14:30](#)

طبعا يبدأ اتكلم في وسائل عملية ما تنشغلش بالوسائل العملية وتلغي الفكرة دي. لأ النقطة دي مهمة جدا تزبطوا العقيدة تزبطوا
المبادئ اللي احنا بننطلق منها نحن بننطلق من قضية صافية جدا ايمانية جدا عقدية بامتياز. عشان كده التحرك بتاعنا لازم يكون

تحرك منضبط - [01:14:46](#)

واسأل الله سبحانه وتعالى ان يحفظني واياكم ويسترنا واياكم هنتكلم ان شاء الله بالليل في ايه اللي ممكن نقدر نقدمه على النطاق
الفرد على نطاق الاسرة على نطاق المجتمع على نطاق كزا - [01:15:10](#)

يعني نسأل الله سبحانه وتعالى ان يفتح علي وعليكم ويوفقنا واياكم لكل خير. جزاكم الله خيرا ومن الله علي وعليكم حسن العمل
وحسن الخلق وحسن الختام وجزاكم الله خيرا. السلام عليكم ورحمة الله - [01:15:26](#)